



UNIVERSITÄTS-
BIBLIOTHEK
PADERBORN

**R. P. Christiani Mayer E Societate Iesv, Diarivm
Meditationvm, De Præcipvis Vitæ Christi mysteriis**

Mayer, Christian

Coloniæ Agrippinæ, 1635

6. De Ascensu Christi in cœlum

[urn:nbn:de:hbz:466:1-60091](#)

stenderet heroicā tribulatiōrum patientiam, & perfectā obedientiam, Bethaniā sublimē charitatem, monte ipso; & intimam misericordiam, oliuā, adumbratam, esse regiam ad cœlum viam, quam ipse calcāset, nobisque calcandam designasset. Quām pīos affectus compassionis, gratitudinis, amoris, congratulationis elicuerint discipuli inter eundum, recolentes, quæ non ita pridem isthic cōtigerant, circa amantissimum Magistrum suum à se desertum, captum, per vallem Iosaphat & torrentem Cedron deductū ad ignominiam Crucis; nunc gloria & honore coronatum, mox gloriose descendendum à cœlestibus hierarchijs ad dexteram Patris? Amor, congratulatio, zelus imitandi in Christo patientiam, obedientiam, charitatem, misericordiam.

De ascensu eius in cœlum.

VI.

I. **D**iscipulis in monte Oliueti congregatis exhibuit se amantissimus Dominus solito splendidiorem, vultuque blandiorem, orantes & singulos, pro amplexu dari solito, ad osculandas cicatrices vulnerum suorum benignè admittens. Quām insolitos

inte-

interim diuinæ lucis radios singulorum mentibus afflabat? quām ignitas diuini amoris sagittas cordibus infigebat? quam porrò illi ardentes reuerentiae, amoris, doloris & gaudij mixtos lacrymis affectus, quām incredibili cum internæ dulcedinis gustu frequentarint; præsertim B. Mater, quā tam ardenter comitari filium optabat, & tam heroicè simul eius diuinæ voluntati se resignabat. Quis illius plus quām Seraphici cordis excessus intellectu assequatur? Admirare & imitari conare prædictos actus amoris, congratulationis, resignationis.

Luc. 14. I I. Et eleuatis manibus benedixit eis, & ferebatur in cœlum. Quām ineffabiliter paternæ misericordiæ & dilectionis affectu pius Dominus, intuens hos dilectos suos discipulos tam ægrè à se diuelli, eorum orbitatem miseratus, largissimam ijs, eleuatis manibus, benedictionem impertierit, quanto eorum gaudio & solatio? forsan his vel similibus verbis vñstatis in lege veteri vñsus: Benedicat vos Dominus & custodiat vos: stendat Dominus faciem suam vobis, & misereatur vestri. Conuertat Dominus vultum suum ad vos, & dñe vobis pacem. Vel his in cœna antē vñsus-

Num. 6.

Ioan. 17.

vsurpati: Pater serua eos in nomine tuo,
ut sint unum sicut & nos. Quam libera- Eph. 1.
lis est Dominus, quam paratus nos be-
nedicere in omni benedictione spirituali in
cœlestibus, modò nos ad eam excipiendam
disponamus, per humilem agnitionem
nostræ indigentia, per ardens deside-
rium amplioris diuinæ gratiæ, & affi-
duum studium eidem strenuè coope-
randi vsque ad finem vitæ! His com-
fideratis gratias diuinæ liberalitati a-
ge, & affectus humilitatis, fiduciæ
& zeli constanter proficiendi subiun-
ge.

III. Et nubes suscepit eum ab oculis eorum. Ad. 1o

Quanta admiratione & exultatione
discipuli defixis oculis & attonitis
mentibus sequebantur Dominum, nō
curru aut equis, instar Eliæ, nec An-
gelico fultum ministerio, sed virtute
propria eleuatum à terra, gradientem
in multitudine virtutis suæ, cœlum
conscendere, vsque dum eum nubes
lucida eorum aspectui subduceret?

Quàm admirandos interim affectus
amoris, congratulationis, fiduciæ,
zeli gloriæ eius continuarint? quàm
incensa desideria eum sequendi cum
debita tamen resignatione, elicuerint?
quàntò affectuosius, quā olim Eliseus,

inti-

intimis præcordijs exclamauit : Pater
 4. Reg. e. mi, Pater mi, currus irasl, & aurigacius !
 Cant. 2. Et cum Sponiā : Trahe nos post te, curre-
 mus in odorem vnguentorū tuorum ! quan-
 ta mentis dulcedine se perfundi, quam
 insolita vi se trahi post dilectum suum
 senserint, ut oculis saltem abeuntē
 sequendo non viderentur posse satia-
 ri, usque dum per apparetos Angelos
 regredi in Ierusalem iuberentur ! Quā
 æquum est & nos eundem Dominum,
 & sponsum nostrum, tam amabilem,
 instar aquilæ prouocantis ad volandū
 pullos suos, omnes ad se inuitantem
 & post se trahentem conari saltem de-
 siderijs cordis sequi, desiderando me-
 dullitus ab amore terrenorum expedi-
 ri, mente in cœlestibus habitare, & so-
 lum, quæ sursum sunt sapere, nec quic-
 quam aliud in terris expetere, quam
 diuinam eius gloriam omnibus modis
 semper & ubique propagare ! Amor,
 congratatio, zelus gloriæ Christi,
 desiderium cœlestis patriæ.

VII.

De Ingressu Christi in cœlum.

Psal 67.

I. Ascendens Christus in altum, capti-
 uam duxit captiuitatem ; magno
 cum triumpho & iubilo, ium iustorū
 è limbo liberatorum, comitantium &
 plau-